

崖石之中不可置穴又開地篇云碎石黑石主疾病離鄉客死又凶忌篇云凡冢宅形勢雖佳若遇十凶亦不堪用也蔡成禹地理門庭曰穴中有黑石凶范越鳳入武歌云開

擴忽逢青黑石須信逢凶少逢吉傳曰頃者大臣啓之子亦以為未安

而但以拘於吉凶遽遷二十餘年之陵恐為不當也然群疑如是必須遷陵也仍命政院曰遷陵諸事磨鍊事言于該曹史臣曰金安老欲

陷鄭光弼以殺之日遣許沆于領議政韓效元家以議之效元不從是

以不得殺之厥後其計日深而以未得豐至是鄭光弼嘗為搃護使故

重其事欲成其罪唱議當遷人不能異同○憲府啓前事皆如啓○重

于領議政金謹思等曰顯德王后遷葬時其改斂之事內官專掌而為

之今者禧陵只為遷陵而不為改斂乎章敬王后初喪斂襲時內官朴承

恩徐後甲等專掌而為之今者若只為遷葬則已矣幸至於改斂則他

內官不可為也今者承恩已死後甲被罪遠黜矣然欲放還後甲以掌改

斂之事於卿等意何如謹思等回啓曰禧陵之葬今年久內樞官想必

無恙然不可預料若有改斂之事則須使更事者掌其事也後甲之罪不

關國家放還無妨傳曰所議至當仍傳于政院曰徐後甲放還事奉承傳

○夜良方有氣如火○甲戌傳于政院曰近觀雨勢外方雖或有雨亦非

治然而京師則旱災太甚大抵謹災之道須為務實修德本也祈禱末